

Catholica excellentissimis Viris Cypriano & Ambroso , ante istos , adversus istos extorta subscriptio est , quā eorum īmpia doginata tantā manifestatione subvertunt , ut quæ contra eos manifestiora dicamus , vix invenire possimus ? Aut verò Congregatione Synodi opus erat , ut aperta perniciēs damnaretur , quasi nulla hæresis aliquāndō , nisi Synodi Congregatione , damnata sit ; cūm potius rarissimæ inveniantur , propter quas damnandas necessitas talis extiterit , multoq[ue] sint , atque incomparabiliter plures , quæ ubi extiterunt , illic improbari , damnarique meruerunt , atque inde per cæteras terras devitandæ innotescere potuerunt ---- Post factum igitur illis competens sufficiensque judicium , ubicumque isti lupi apparuerint , vigilantiā Pastorali conterendi suat ; Sive ut sanentur , atque mutantur , si ve ut ab aliorum salute atque integritate vitentur , adjuvante Pastore Pastorum &c. ] Alter , nimirū Petrus Damiani lib. 10 , epist. 13 . scribens ad Papam Alexandrum II. , hæc habet , nullā factā Synodi cogendā mentione : [ Sicut ad Patrem familias quælibet domesticæ facultatis jactura refertur ; sic etiam dignum est , ut Summo Pontifici patientis Ecclesiæ læsio nuntietur ; Ut sicut ab illo , prout vires suppetunt , ingruentibus domus suæ malis occurritur , ita nihilominus & ab isto nutantis fidelis fundamentum , vel etiam ordo religionis , qui confundi cæperat , instauretur . Nova , proh dolor ! nostro tempore hæresis orta est , cui nisi quantœjus autoritatis Vestræ se vigor objiciat , timendum est ; ne ad Religionis Christianæ perniciem , animarumq[ue] periculum velut cancer feraliter serpat &c. ] Et in ejusdem Epistolæ calce subnecit : “ His itaque Prædicatoribus Satanae , & Apostolis Antichristi , Tu ” ( Venerabilis Pater ) celestis eloquii gladio præcinctus occurre , & tamquam alter Josue ” Amalechitas oppugnantes Israel , Evaginato Canonici vigoris mucrone prosterne . Tol ” latur è medio quantociùs tartareæ amaritudinis aconitum , ne ( quod absit ) ferale ve ” nenum faucibus influat parvulorum . Tuis præterea manibus talis aromatici pigmenti ” quibusque languentibus propinetur antidotum , quod & venenati erroris tollat illuviem , ” & sanæ atque sincerae fidei restituat veritatem ” . In tanti operis itaque commendatione non est quod multus sim ; quo rationum pondere , quantis Sanctorum Patrum suffragiis scriptiōnem suam stabilitat , Lectorum advoco plausum , meritamque acclamationem ; ut pote te qui satis superque cum pralaudato Cassiodoro noverunt , quod qua hic habent à Scriptore suo distribuita præconium , conjuncta referunt miraculum . Ita censeo Oveti in Palacio nostro Episcopali Kal. Julii 1724.

Thomas Josephus a Montibus Archiepiscopus , Episcopus Ovetensis .

## APPROBATIO

Illustrissimi ac Reverendissimi Domini

## PHILIPPI ERARDI VANDER NOOT

Dei S[ancti] Apostolicæ Sedi gratiâ Episcopi Gandavensis , Domini Territorii  
Sancti Bavonis , Comitis Everghemien[sis].

J Ansenismum nonesse merum phantasma , aut chimeram quorumdam in cerebro ex invidiā confectam , sed veram realemque hæresim triginta ab hinc annis in Belgio eruditissimi suis lucubrationibus ostendit R. P. Jacobus de la Fontaine Societatis Jesu Lovaniæ Theologæ Professor , novissimè verò in Bullâ *Unigenitus* theologice propugnata , idem tribus primis Tomis in Urbe typis vaticanis publicæ luci datis invictè atque evidenter demonstravit , & venenum pernicioſissimæ hæresis , quo scatet liber Instructionum Moralium Paschasi Quesnelli in discussis plerisque , protitisque 101. Propositionibus luce meridianâ clarius detexit .

Quarto hoc tomo eadem ingenii subtilitate ac felicitate cæteras Propositiones enucleat , quæ instar serpentinae caudæ sunt , nocentius toxicum continentis : nocentius , inquam , quia mentes illo infectas in phrenesim quandom & rabiem concitat , Decem quippe ultima ludibrium potestatis Ecclesiasticæ , S. Sedi , ejusque in primis summi in terra Capitis contemptum , contumaciam , obstinationem , seditionem denique & rebellionem inspirant manifestam , Regnis æque Catholicis , ac ipsi Ecclesiæ timendam .

Hinc annis undecim , quibus prædicta Bulla à S. Sede legitimè promulgata & toto orbe Catholicico gratariter acceptata , plurimos adhuc ( proh dolor ! ) videre est qui eam livido dente